

**Talamdan sa
mga Mensahe alang sa Full-time Training
sa Spring Term sa 2024**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
IKADUHANG CORINTO**

Mensahe 4

**Ang Kagamitan sa Pagpangalagad sa Bag-ong Pakigsaad—Magsulat og Buhing Mga Sulat ni Cristo
nga ang Espiritu nga Taghatag-og-kinabuhi maoy Pagkamao ug si Cristo ang Sulod**

Basahong Kasulatan: 2 Cor. 3:1-6

- I. Ang tumong sa pahiuili sa Ginoo karon pagpahiuili man sa pagpangalagad og Cristo sa tanang magtutuo aron matukod ang iglesia nga organicong Lawas ni Cristo; magkinabuhi gyod ta sa kinabuhing nangalagad og Cristo sa uban aron matukod ang iglesia—Efe. 4:11-16; 2 Cor. 3:18—4:1:**
- A. Hingpit gyod natong tumanon ang atong pagpangalagad (2 Tim. 4:5) isip maayong ministro ni Cristo Jesus (1 Tim. 4:6).
 - B. Gipalugwa ang pagpangalagad pinaagi sa pinadayag ug mga pag-antos (Col. 1:24; 2 Cor. 12:7-9; Fil. 3:10); nagpasabot kini nga samtang nagkadunot ang atong tawo sa gawas pinaagi sa kahikayan sa pag-antos (1 Tes. 3:3), gibag-o adlaw-adlaw ang atong tawo sa sulod (2 Cor. 4:16):
 - 1. Kinahanglan madasig ta pag-usab matag buntag aron mabag-o ta adlaw-adlaw—Mat. 13:43; Prov. 4:18.
 - 2. Gibag-o ta sa krus (2 Cor. 4:10-11, 16), sa Espiritu Santo (Tito 3:5), sa atong nasagol nga espiritu (Efe. 4:23), ug sa balaang pulong (5:26).
 - 3. Motambong gyod ta sa talad sa Ginoo diha sa kabag-o (Mat. 26:29) pinaagi sa paghimog maganirong pagsugid sa tanan natong sala (1 Juan 1:7, 9; Buh. 24:16) ug sa kanunay nga pagpasaylo nato sa mga tawo (Mat. 18:21-22, 35; Efe. 4:32; 5:2) ug pagpangayog pasaylo kanila (Mat. 5:23-24).
 - C. Ang pagpangalagad mao ang pagpadayag kon unsa ta—“Ang buhat, pagkinabuhi; / Inawas’ kinabuhi! / Ang imensahe nato’s tawo / Pagsinati gyod nato. / Buhat ug kinabuhi kon, / Usa, magmapuslanon; / Mensahe’g kinabuhi kon, / Usa, pulong molampos!”—*Mga Alawiton*, #910, estansa 1.
 - D. Aron hingpit nga matuman ang atong pagpangalagad isip maayong ministro ni Cristo, mahigugma gyod ta sa Ginoo sa hilabihan ug mapuno Niya ug mopaawas Niya sa uban nga dunay nabanhaw nga Cristo nga atong pagbulot-an (Sal. 18:1; 91:14; 97:10; 116:1-2; 119:140; Juan 21:15-17; 2 Cor. 5:14-15; 1 Juan 4:16, 19; Num. 17:1-10), ug ipapadayon gyod nato ang atong pagdaog diha ni Cristo sa pagkaanaa natoy nadasig pag-usab nga pagkinabuhi ug pagpangabudlay sa pagpangatiman (Bug. 3:18-22; Oseas 6:1-3; Rom. 6:4; 7:6; 1 Ped. 2:25; 5:1-4).
- II. Ang maayong ministro ni Cristo nagsulat og mga surat ni Cristo—“Kamo ang among surat, nga nasulat sa among kasingkasing, nga nasayran ug gibasa sa tanang tawo, sanglit gikapakita na man mo nga surat mo ni Cristo nga gipangalagad namo, dili sinulat sa tinta kondili sa Espiritu sa buhing Dios; dili sa mga papan nga bato kondili sa mga papan sa kasingkasing nga unod”—2 Cor. 3:2-3:**
- A. Ning mga versiculo, kon sa gramatika pa, niingon si Pablo nga, “Sulat mo namo kay surat man mo ni Cristo”; tungod man kay surat ni Cristo ang mga magtutuo nga surat sab sila nga nasulat sa kasingkasing sa mga apostol.

- B. Naghisgot ang 2 Corinto 3:2 sa kasingkasing sa mga apostol, samtang naghisgot ang versiculo 3 sa kasingkasing sa mga magtutuo sa Corinto; nasulat ang mao ra nga sulat sa duha ka matang nga mga tawo: sa kasingkasing sa mga apostol ug sa kasingkasing sa mga magtutuo:
 1. Samtang gipangalagad nato si Cristo sa uban, dungan Siyang nasulat diha sa mga tawong gipangalagad nato ug kanato sab.
 2. Ang usa ka pagsulat naghimog duha ka orihinal nga kopya sa usa ka sulat; ang usa ka kopya naa sa atong kasingkasing, ug ang usa pa ka kopya naa sa kasingkasing sa mga tawong gipangalagaran nato.
 3. Nahimo silang sulat ni Cristo; ug gisulat sab kining sulata kanato, nga mga tagsulat; naglambigit kanang pagpangalagara og duha ka kasingkasing nga nausa—Jer. 32:39.
 4. Dili gyod ta makalimot sa mga tawong gipangalagaran nato ni Cristo ug sa mga tawong nangalagad ni Cristo kanato—2 Cor. 7:2-3; 6:11, 13.
- C. Pinaagi sa pagpangalagad sa bag-ong pakigsaad, gisulat si Cristo sa tanang bahin sa pagkatawo nato sa sulod pinaagi sa Espiritu sa buhing Dios aron himoon tang buhing mga sulat Niya, aron mapadayag, mabasa, ug mailhan Siya sa uban dinhi nato—3:1-6.
- D. Ang pagbalay ni Cristo sa atong kasingkasing pareha ra sa pagsulat ni Cristo sa tibuok pagkatawo nato sa sulod aron makapadayag ta ni Cristo sa bisan unsang isulti ug buhaton nato—Efe. 3:17.
- E. Ang Espiritu sa buhing Dios, nga ang buhing Dios mismo, dili maoy instrumento, nga samag dagang, kondili ang elemento, nga samag tintang inugsulat, nga gigamit sa mga apostol sa pagpangalagad og Cristo nga sulod aron makasulat og buhing mga sulat nga magpadayag ni Cristo; ang Espiritu mao ang tinta, ug si Cristo ang sulod sa tinta lakip na ang Iyang persona, buhat, ug mga nakab-ot.
- F. Ang langitnon, sinagol nga tinta mao ang sinagol nga Espiritu; kining Espiritu-tinta mao ang bugtong-talagsaong pagkamao nga kinahanglan isulat nganha sa mga balaan, ug kita ang dagang—Fil. 1:19; Exo. 30:23-25.
- G. Aron maanaa kining tinta sa atong kasinatian, magpahimulos gyod ta ug hingpit nga magpasuop ni Cristo nga Espiritung taghatag-og-kinabuhi; diha-dayon tang makapangalagad ni Cristo sa mga gikontak nato, maghimo nilang buhing mga sulat ni Cristo—Fil. 1:19; 2 Cor. 3:6.
- H. Tipigan gyod nato ang mga pulong sa Dios sa atong kasingkasing (Sal. 119:11), kay gikan sa kadagaya sa maayong bahandi sa atong kasingkasing, mamulong ang atong baba sa maayong mga butang sa walay kataposang pamatigayon sa Dios (Mat. 12:34b-35); makaingon dayon ta uban sa salmista nga, “Nag-awas ang akong kasingkasing sa maayong butang; / Namulong ko sa akong gitagik mahitungod sa Hari. / Ang akong dila maoy dagang sa andam nga magsusulat” (Sal. 45:1).
- I. Sa pagpanagna kalabot sa pagpangalagad sa bag-ong pakigsaad, niingon ang Jeremias 31:33 nga, “Ibutang Ko ang Akong kasugoan sa ilang mga bahin sa sulod ug isulat Ko kini sa ilang kasingkasing”:
 1. Ang pagsulat sa Dios sa balaod sa kinabuhi sa atong kasingkasing nitakdo sa 2 Corinto 3:3, nga nagsulti nato nga ang kasingkasing sa mga magtutuo mao ang mga papan nga gisulatan sa Espiritu sa buhing Dios sa buhing mga sulat ni Cristo.
 2. Busa, ang pagsulat kang Cristo nganha sa tanang bahin sa atong kasingkasing sa Espiritu sa buhing Dios, sa Espiritung taghatag-og-kinabuhi (v. 6), aron mahimo tang buhing mga sulat ni Cristo mao ang katumanan sa pagpangalagad sa bag-ong pakigsaad nga gipanagna ni Jeremias.

III. Aron makabuhat isip mga ministro sa bag-ong pakigsaad, nga nagsulat og buhing mga sulat ni Cristo, kinahanglan mga tawo ta nga nagbuhat sa tanan “diha sa persona ni Cristo”—2:10:

- A. Ang Griyegong pulong sa *persona* sa linetra *nawong*, sama sa 4:6; nagpasabot kini sa bahin libot sa mata, sa tinan-awan nga ilhanan sa mga hunahuna ug mga pagbati sa sulod, nga nagpakita ug nagpadayag sa tibuok persona.
- B. Si apostol Pablo, nga sumbanan sa mga magtutuo (1 Tim. 1:16), tawo nga nagkinabuhi ug nagbuhat diha sa presensya ni Cristo, sumala sa ilhanan sa tibuok Niyang persona, nga napadayag diha sa Iyang mga mata.

- C. Gipakita sa 2 Corinto nga tawo si Pablo nga nagkinabuhi ni Cristo sa labing suod ug labing sandurot nga pakigkontak Kaniya, naglihok sumala sa ilhanan sa Iyang mga mata; tawo siya nga nausa ni Cristo, puno og Christ, ug nasuroman ni Cristo.
- D. Tawo si Pablo nga nadugmok ug natapos man ngani diha sa natural niyang kinabuhi, nahumok ug mapahaomon sa iyang pagbuot, mabination apan pinugngan sa iyang pagbati, mahunahunaon ug tinaw sa iyang salabotan, ug putli ug tinuod sa iyang espiritu ngadto sa mga magtutuo alang sa ilang kayohan, aron makasinati ug makapahimulos sila ni Cristo sama niya aron matuman ang walay kataposang tuyo sa Dios sa pagtukod sa Lawas ni Cristo.
- E. Ang pagkinabuhi ug pagbuhat sa tanan diha sa persona ni Cristo pagkinabuhi ug pagbuhat man sa tanan diha sa atong espiritu:
 1. Magtagad gyod ta sa pahulay sa sulod sa atong espiritu labaw sa dayag nga sitwasyon, palibot, ug mga sirkumstansya—2:12-13.
 2. Gamiton gyod nato ang atong espiritu sa pagtuo aron motuo ug mamulong sa mga butang nga nasinati ug napahimuslan nato sa Ginoo; naa sa atong espiritu, nga nasagol sa Espiritu Santo, ang pagtuo; naa sa atong hunahuna ang mga pagduda—4:13.
 3. Maggawi gyod ta isip mga ministro sa Dios diha sa balaang espiritu—6:4, 6; 7:1.
 4. Makat-on gyod unta ta nga malunhawan diha sa atong espiritu, magpalunhaw sa espiritu sa uban, ug magmalipayon sa kalunhaw sa uban—v. 13.
 5. Hiniusa gyod tang maggawi sa mao ra nga espiritu ug sa mao rang mga lakang—12:18.

IV. Ang pagpangalagad sa pagsulat sa kasingkasing sa mga balaan sa Espiritu sa buhing Dios nga pagkamao ug ni Cristo nga sulod aron himoon silang buhing mga sulat ni Cristo pagkausa man nato ni Cristo sa langitnong pagpangalagad Niya nga mangatiman sa tulo ka dagkong bahin sa ilang kasingkasing—sa ilang hunahuna, pagbati, ug pagbuot:

- A. Aron makapangalagad ni Cristo, makasulat ni Cristo, nganha sa pagkatawo sa sulod sa mga balaan, mobulig gyod ta sa atong Ginoo nga “Magbalantay ug Maglalantaw” sa atong mga kalag (1 Ped. 2:25) sa langitnong pagpangalagad Niya sa “paglig-on sa mga kalag sa mga tinun-an” (Buh. 14:22).
- B. Ang paglig-on sa kalag sa mga tinun-an paglig-on man kanila (1) sa ilang salabotan, aron makaila ug makasabot sila sa Ginoo ug sa mga butang kalabot Niya (1 Cor. 2:16; Fil. 3:10); (2) sa ilang pagbati, aron mahigugma sila sa Ginoo ug magtinguha sa Iyang gitinguha (Mar. 12:30; Rom. 16:4); ug (3) sa ilang pagbuot, aron magmakusganon sila nga magpabilin uban sa Ginoo ug mobuhat sa mga butang makapahimuot Niya (Buh. 11:23; Col. 1:10; 1 Tes. 4:1).

V. Ang pagpangalagad sa pagsulat sa kasingkasing sa mga balaan sa Espiritu sa buhing Dios, sa Espiritung taghatag-og-kinabuhi, mahingpit sa Bugna 22:17a, nga naghigot “sa Espiritu ug sa pangasaw-onon”:

- A. Ang pangasaw-onon ni Cristo mao ang kinataposang kahingpitan sa Iyang katawhan nga gianak pagusab, gitransporma, ug gihimaya nga buhing sulat ni Cristo isip balak sa Dios (Efe. 2:10) aron mabasa sa tibuok uniberso ug makaila kini ni Cristo nga nagkadaiyang kaalam sa Dios sa sulod nila ug pinaagi nila nga iglesia (3:10).
- B. Si Cristo nga Espiritu, nga pagkamao sa nahikay nga Tulo-usang Dios, hingpit nga gisulat sa atong pagkatawo aron sa kaulahian mahimo tang pangasaw-onon Niya, ang kinataposang pagpadayag ug pagkamgo ni Cristo, aron paapilon ta sa panihapon sa kasal ni Cristo—Bug. 19:7-9.
- C. Sa eternidad nga walay katapusan, magkinabuhi ang Espiritu ug ang pangasaw-onon sa kaminyoon nga panagsagol sa Dios ug tawo nga usa ka espiritu, kinabuhi nga hilabihan gyod kamaayo ug nag-awasawas sa mga panalangin ug kalipay.